

四庫全書

集部

欽定四庫全書

集部
鄱陽集卷八

詳校官庶吉士臣范逢恩

檢討臣何思鈞覆勘

總校官編修臣王熙緒

校對官助教臣卜維吉

謄錄監生臣張同履

欽定四庫全書

鄱陽集卷七

宋 彭汝礪 撰

律詩

夏六月公濟與弟六人游安國竹園某有詩

萬竹紛紛光欲流
花亭況在竹林幽
陰藏絕徑為深谷
風起炎天見早秋
此地遂為千畝勝
吾儕非止七賢游
清涼可愛無朝夕
無間昏鴉故未休

晚行竹林兄弟相率賦詩

冉冉秋風吹我衣
留連清勝夜忘歸
眉橫雲外新蟾上
雪落林梢白鷺飛

又

碧竹侵雲一萬竿
挾書時此共盤桓
湘沅見說官期逼
預惜朋游別去難

某在合肥嘗夢同子直在橫川舊遊適中有詩
往還子直見招因用前韻來寄

春風把酒共溪邊
南北紛紛遂五年
綠綬終朝寄塵俗

青雲昨夜夢神仙詩多老格知難繼易外新聞念未傳
髣髴異時佳句在吾游不敢負橫川

汴水呈祖道

萬事無庸輕是非扁舟吾與子同歸不知心逐征雲遠
安得身先去鳥飛月入江湖生夜色風吹花木長春暉
鬢毛每笑多新雪衣帶頻驚緩舊圍

和祖道見致政王中允題壁

里巷參差一水間水邊相失復三年舊題想見風規好

清隱傳聞志尚賢道路尚能談舊事
林泉寧復掛塵緣
遲回祿仕予真怯不獨無君郭外田

江口道中

道路春晴柳葉長川原水涸草花黃
陰晴天氣猶寒食
村郭人家自故鄉地曠馬牛羣放牧
時平兒女自耕桑
馬蹄即踏江南路村店相看酒一觴

和祖道渡江

歸上慈親酒一觴
吾榮不啻插塵幢
雨沾馬轡行春野

風滿舟檣泛曉航
江路好山隨步履
人家流水照軒窗
梅仙不怪多詩思
鸞語紛紛燕子雙

曉行

遲明騎馬聽鷄號
霧露紛紛上髮毛
烟宿平蕪疑遠水
風鳴高木聽飛濤
暖迴宿草春初見
光動扶桑日欲高
橫笛一聲還出牧
稚兒無不笑吾勞

和致遠登樓有感

昔人已勸莫登樓
年少登樓應白頭
鳩鵲雪殘冰尚泮

蓬萊雲靜月如流
燈棚影濶明千里
樂部聲長在十洲
萬物莫如公最樂
詩情應祇為民憂

致遠詩有憂民之句

贈陳擴秀才

原憲家無金玉儲
生涯惟有一床書
衆人清論誰知子
終日高談謝起予
叔夜未嘗聞喜愠
偉容如不辨親疎
丈夫當重功名計
天子重閭好曳裾

寄子文友

古人湮沒不能見
交道陵夷真可哀
與子碧江相別後

到今青眼未曾開幾傷尺素無人寄猶喜新鴻昨夜來
懷抱相思長抑鬱燕居還念此心哉

讀張華傳

堂堂才業世無隣坐揖荆吳屬晉民當日若知誅嬖妾
英魂未必死姦臣尚能博識周羣物誰使無謀衛一身
典午基圖從此殆開編令我淚沾巾

春日

青春久雨郊原暗白日新開錦繡明
冉冉碧絲垂柳樹

勻勻紅粉上花英
人生最貴逢辰樂
暇日終當載酒行
無為草玄成寂寞
便輸風景屬流鶯

和千乘先生詩

蓬華猶淹濟世圖
獨持經術振羣愚
困窮自古饒賢者
功業于今屬丈夫
天下久思安石起
時人爭笑孟軻迂
何時幣聘來莘畝
佇聽嘉言上禁途

賦環翠軒池鵝鵠環翠張子直所有也

池軒澄澈岸花薰
吾愛微禽獨此存
野性尚思江海逸

靈心應識稻粱恩
春風鼓舞波濤綠
夜月棲遲藻荇繁
沙鴈溪鳬應羨汝
光輝終日望華軒

與程德林

俊骨風標固逸倫
况聞才術巧安民
尋常恨不親高誼
邂逅相逢即古人
議論恥拘時俗態
笑歌惟取性情真
從今便作忘形契
安得相從席上珍

病居寄程德林

槿花時態厭羈貧
誰恤天涯卧病身
千里有家歸未得

一心無賴恨長新
形容憔悴真衰漢
意氣蕭條似老人
恨乏酒樽將寂寞
獨憑詩句訴酸辛

月夜憶伯兄兼寄諸友

炎暑遁逃天已涼
日陰苦短夜初長
風聲日色盡秋意
海角天涯非故鄉
鶯谷久離愁滿眼
鵲原一別淚沾裳
客情欲借清吟遣
詩就客情彌慘傷

適婺

浮俗區區走利名
吾儒何事亦勞生
昔騎馬作衢江計

今買舟為嫠女行南北東西無定日艱難險阻亦常情
日多好景誰同詠罇有清醪且自傾

寄桐廬諸友

整頓衰羸尚未蘇信音都向故人疎須憐犬子常多病
莫笑嵇康懶作書庠序舊規還在否道塗新況比何如
鱗鴻若到江南地願寄聲音一起予

寄鄒廣道

陋學常嗟趣識迷羨君先得正塗歸直從前哲評高下

羞與時人較是非長憤荆蒿埋杞梓忽驚沙磧得珠璣
相從未幾又相去東望門闌心欲飛

又

夙昔聞君有古風里閭邂逅一相逢金蘭密契雖深結
風月高吟未款從寶玉如能庇嘉穀微蒿終待倚長松
江頭若有東歸鴈時寄聲音慰病容

風便示君時叔宜二弟

掛帆瞬息絕遠水行李逡巡臨故鄉雨潤棗棠千葉葉

雲深鴻鴈一行行，清吟未愜溪山勝。
熟睡不知岐路長，邂逅此時同此樂。
萱堂卮酒意難忘。

簡振道判官

涉汴浮淮即渡江，一春飽看滄浪臨。
溪高柳為誰綠，隔浦幽花還自香。
暖日魚兒浮密藻，輕風燕子語危檣。
遙知景物煩酬唱，到日詩成幾百章。

江流

江流繚繞轉天涯，萬幅風帆去若馳。
紅日遠山開殿閣，

金匱山房集卷七
青天高木出旌旗蛟龍迴泊鱗鱗動燕雀飛翻羽翮遲
身世百年長擾擾扁舟多謝捕魚兒

子發南樓餞穎叔適以使事出行因寄拙句

溪山遠遠綠如如坐想南樓縱目初相別無緣看楊柳
贈行不敢愛瓊琚浮生稍自嘗艱險遠道非關畏簡書
雲去正凝千里目鴈來能寄一行歟

送君時東歸夜宿城外并橋上

踈踈星月帖雲浮槐葉風聲已轉秋欲寄歸帆終未得

徒分心逐水東流

又

紅蜺盤泊宿河陰
氣勢凌空幾百尋
月近渾如天上坐
風來不見世間音
吾哀祇有臨淵懼
爾壯能無題柱心
病眼昏昏常似霧
不堪頻淚欲分襟

君時與董君佐以鄉薦相次登甲科有詩送之
邀予同賦

青衫慰子久蹉跎
各喜流年壯未過
金玉曹劉初並價

金川集卷七
淵源游夏復同科紅塵去馬侵星月綠水歸艎觸芰荷
邂逅故鄉秋正好相看憶聽鹿鳴歌

治平赴肥陵幕侍父兄宿大孤山南今復泊於

此

扁舟曾宿此江堧當日朱顏尚少年彩筆偶攀天上桂
青衫初泛幕中蓮浮生夢幻今衰矣薄宦風波尚慎旃
記得父兄游屣處淚添溪水欲無邊

送梁晦之詩并序

治平熙寧中某以職官事張侍讀傳學士宋

大監於合肥與程公權

嗣隆

汪汝道汾俞誠

之希旦錢穆甫梁晦之俞君玉

瑛

刁德華璆

為僚俛天隱先生治學其游甚樂也而六七

年間學士有母之憂宋致政張程倪三公亡

汝道德華貶官惟誠之穆甫出使京浙君玉

領麾在萬里之外晦之得忠州不赴屈臨陝

府米倉某方起外艱調官走京師其形容蒼

然已非昔時人矣見晦之相與道舊語及存
沒憂患之際愴然久之因相語曰人生乘物
而游于天地之間死生榮辱出處得喪皆非
我物也在我者知為善而已道不行於天下
亦必行於妻子名不得於上亦必知於下富
貴不在其身亦必在其子孫此又不得行亦
皆命也人如彼何哉亦強為善而已矣晦之
行趣官因序所言為別并以詩繼之

行李參差久不齊
飄蓬邂逅暫相依
趨馳靜笑營生拙
老大今知舊態非
車馬一朝君北去
江湖何日我南歸
人間物物渾虛幻
莫為分襟淚輒揮

江口

北風吹蕩酒旗斜
渡口寥寥數十家
茅屋尺椽貧活計
漁繒一幅舊生涯
青雲正着楊柳葉
白雪已開蘆葦花
蓬笠焉知慕軒冕
牛羊豈遂勝魚蝦

粹老召飲滕王閣
遂過徐亭泛舟戲呈粹老

溪山高下綠參差終日清風慰所思何不並攜安石妓
却須一過習家池桐孫轉影隨朱檻蓮子吹香入酒卮
曉色江湖秋更好微雲恰值雨來時

游東湖

草色薰葭蘆葦中蓮花一片萬枝紅斜陽色妬波心日
細雨香吹水面風澤國地開金色界桃源人在水晶宮
扁舟便好如張翰好在溪邊舊釣筒

詩呈季友殿丞因寄正父兄

寂寂門無車馬塵故人相過覺情親
焉知軒冕金朱貴不笑蘼鹽藜莧
貧看月縱吟願閣夜插花沉醉鑑
亭春白頭想歎童兒事渾屬溪邊
自在身

退之云太學三年朝蘼暮鹽又云三

年國子師賜
肚飽藜莧

生日提點少卿公諤惠詩因次元韻

水日金行共一鄉丈人每愛我辰良
驂騑未解馳千里弧矢猶知志四方
漫與乾坤同作客笑看兒女已成行
貧家祇似尋常日金玉何為忽在堂

公諤嘗為
予言命

寄雲居覺老大禪師

雲中樓閣綠沉沉杖策城頭望正深山近想瞻師子坐
風來疑聽海潮音三乘漫設牛羊鹿一路誰分耳肉心
祇道不增還不減元來非古亦非今

和莘老元日時改元豐

天以元豐號太平新年風物兆康寧農人待種滂沱雨
太史仍占潤澤星初日浮陽臨夏屋宿霜澄澈照寒廳
玉津池北池南路還擬同探柳眼青

時太廟宿齋後三
日宿玉津西園

又

衣冠投曉賀元正草木欣欣共晏寧玉曆已開新歲日
璿璣猶數去年星風流豈遂同烏府香火還來共水廳
漸老莫驚頭欲白公名久已在丹青

楊浩然見寄因次其韻

百年流轉笑浮生憂思隨時苦未寧心胆愛君長似水
鬢毛如我欲垂星春風半夜燒燈院臘雪窮年祭酒廳
夢寐舊游如昔日可憐庭栢自青青

子與浩然同在學
官上元嘗一至相

國屈指今
五年矣

和大名掾舍弟君時

大名書到慰離憂
南北還嗟各宦游
任責踰涯吾不樂
食功隨分汝何羞
客塵汎汎常時味
河水渾渾一片愁
綵服欲歸今未可
遙將心寄日邊州

和莘老城東齋祠

鬱鬱蔥蔥佳氣中
曉天春霧濕濛濛
山川更洗崇朝雨
草木還催二月風
樂國地開金色界
容臺人在水晶宮

長年飽食知無補尚有私誠祝屢豐

又

天上春來今幾時園林已自足光輝桃心欲放輕紅出
柳眼初分嫩綠歸解凍暖風吹浩蕩養花新雨落霏微
知君準擬多行樂佳句何妨及繡衣

急雨

遠岫低連野水蒼田溪急似雨淋浪靈壇冉冉雲烟淨
小徑深深花草香落日客帆千點細秋風漁笛一聲長

詩成未解酬真賞
追逐須將夙願償

山堂

江湖曲曲抱千峯
堂在山光水色中
雲薄祇疑蓬島近
湖深遙覺海門通
扁舟蓴菜知無限
促席榴花定不空
獨倚欄干西北望
子牟此興亦無窮

望雲臺

欲望都門春正深
高臺孤絕更登臨
空雲靄靄生歸思
鳴鴈雖難多好音
華蓋熒煌天半際
瀛洲縹緲海中心

江天抱病頻搔首自笑紛紛雪已侵

懌孤臺

江城塵土日喧喧中有蒼然一點山日暖蜃樓浮海上
花深蓬島在人間晴雲鶴鶴千峯遠碧瓦鱗鱗萬屋環
却望鍾陵何處所客心先與水東還

離贛上

昨夜水生三尺來恣恣相送若相催大聲振地潛魚躍
白浪粘天高岸摧宿雨未收雲靄靄春鷗無數雪皚皚

金匱要略卷之七
問奴新釀猶餘否為我臨溪開一盃

送正夫之鄆

清河如練月如霜六月舟行亦自涼
驄馬何為輕去國錦衣不害數還鄉
高才落落邦之傑令問洋洋民所望
城上望公公更遠人間今日日何長

答趙正夫

風波久與故人違臨水登山百爾思
世事易令人苟簡年華稍恨我衰遲
尚遷喬木出幽谷恐舍靈龜觀朶頤

魚鴈不應嫌寂寞時將一字寄天涯

以去年詩再答正夫

不願與公終日違別離草草不勝思老便靜處溪山好
懶見閒中日月遲論易朱雲折其角說詩匡鼎解人頤
歲云暮矣來何晚倚杖相望一水涯

飲君宜弟所寄緇衣酒繼得書因成小詩奉寄
少時離別似尋常老大別離多感傷飲酒看雲心散漫
開書對雨淚淋浪棣棠密織花成錦鴻鴈斜書字作行

未到與人貪富貴會須同汝老耕桑

寄君時學正弟

亦與兒童酌酒醪焚香頌祝不勝勞命如千載松難老
德比九疑山更高頂上少時多鶴髮眉間近日有霜毫
江湖復見年時鴈倚杖孤城首重搔

敏叔家會仙洞

大松十里建旌麾曉日朝霞五色衣幽谷靜聞猿一嘯
白雲時見鶴雙飛花開洞府春長在人會瀛洲夜未歸

家近武陵時入夢詩成更憶故山薇

荅周考功惠黃絲棕心席玉面界枋

老年離別欲心折不似舊時年少時人世忽忙疑是夢
鬢毛感慨欲成絲剛嚴碧玉方無玷潤澤黃絲席有儀
觀物似公長在眼祝公千歲比靈龜

和通判章承議

決勝從容樽俎間一軍爭死不知還拔旗往蹈烏丸壘
杖筇橫封函谷關畫像麒麟天上閣銘功雞鹿雪中山

我榮不與諸公比歸見慈親一解顏

又

盧商舟浙兩岐間四月軍行八月還龜息不妨窺道輿
鼠偷無敢近禪關雲迷漢水滄浪水雨濕蒲山岌業山
昌日與君同此樂清言猶可慰衰顏

答毛提舉惠新酒鷄頭依韻奉寄幸一笑

齊鵠順風飛上天空籠遂至扣猶全

正仲寄酒鷄頭至
南陽某既歸襄陽

但有書
故云

滑思琥珀千鍾滿軟憶珠璣一樣圓舉白醉攻

愁自破硫黃煖與病相便南歸幾夢涼堂會咫尺書來

更愴然

南人謂鷄頭為水硫黃

和張侍讀游蜀山

日光拂拂已破卯野色依依猶帶秋風卷旌旗出城曲
雲迎步履過林幽欲扳懸崖訪猿鶴更逐去鳥窮淵丘
脫洒塵埃坐清曠靜窺萬物都蜉蝣

送熊次道因寄了元

去入紅蓮幕來儀振鷺庭文詞元潤澤才力更精靈須

作晚成器擬看新發硎綵衣長暇日多聚讀書螢若見
焦山老相煩為寄聲別來頭上雪添得一千莖

寄周朝議至樂堂

賞花載酒百花洲看雪開筵白雪樓不盡山川長在目
忘機鷗鳥自隨舟常時一笑有餘味今日相思翻百憂
聞說作堂名至樂幾時還得與公游

又

世味中人醉不醒公歸正似解人醒歸雲意思閒方見

瘦鶴精神老更清，但與堯民時擊壤。
何須秦女會吹笙，淵明已有歸來賦。
桀溺應容作耦耕。

和鄒漢廣見寄

征旆飛飛度夕陽，畫橈隱隱照溪光。
白雲點綴千峯綠，青女摧殘萬葉黃。
林外小花留蛺蝶，岸邊深藻宿鴛鴦。
滄浪可愛須沉醉，詩老無疑緩報章。

濟叔潤之兄弟見送出小渡

欲寄窮通逐水漚，共君歌舞醉新秋。
詩辭可愛題黃葉，

別意難忘寄綠洲
雨過微風催去棹
夜涼明月滿歸舟
又隨天外一飛鵲
可羨波前雙白鷗

晚晴

萬里無雲雨意醒
江湖滿載夕陽明
老翁暮釣扁舟去
稚子歸樵一笛橫
溪月悠悠含夜意
林風細細作秋聲
詩魂散落無羈束
試效樊川賦晚晴

山游

試拂塵衣訪遠蹤
詩魂獨與賞心同
低低弱柳啼秋雨

細細寒蜚嘯晚風
岩石溪流相照綠
草花楓葉一般紅
玉琴寫盡逍遙意
疑到蓬瀛島嶼中

過嶺上

山幽漸失塵埃路
勢險方知造物功
岩溜飛光動天上
樵斤遺響落雲中
烟迷山島千峯細
日轉寰區萬里空
安得謫仙來並此
醉浮風馭過蟾宮

將寄豫章以詩先寄文淵秘校

已傳靈耗煩晨鵲
更作新詩寄塞鴻
千里薄寒沾暮雨

百壺清笑望秋風
仙人樓閣重湖外
帝子亭臺翠靄中
謝傅未忘丘壑意
待攜歌妓醉山東

刑部丈寄酒因成短詩以謝

玉壺寄酒來三島
蓬鬢持盃學八仙
詩句剪裁揮翰墨
賞心飛舞度林泉
秋風會圃尋霜實
明月歸舟載錦鮮
甘倚白雲窮一醉
為公吟盡洞中天

徐中文赴新建以詩寄之

童稚驩呼喜欲顛
蕩舟爭揖縣公賢
荆蒿自覺風霜逼

花木須驚雨露偏天下事煩宜振領古人材銳戒窺淵
君心舊得中和說定與龔黃議後先

新建宰徐中文尉甯文淵出城見餞

詩句飛華照彩牋酒花浮綠動金船眼看世態嗟無益
心到天眞喜自然盛德優容聞邵父清才脫洒愛梅仙
却嗟風雨催行色不得相從醉洞天

別子直

高秋惜別苦忽忽不得清吟日日同步履忽迎春色合

金匱要略卷之三
肺腸甘逐酒樽空一舟喜逐征帆北千里愁逢去鷁東
恰似江神惜離袂夜來故作打頭風

次韻周戶曹水軒

新闢頽牆得小軒未成詩思已相關一窗嫩綠分肥水
十里澄輝接蜀山近岸雨收風滿徑暮天雲靜月當顏
參軍莫作塵埃嘆剩有幽虛伴若閒

寄明甫約出錢城西既以病告遂已

結束行裝赴早秋愛憐交論重遲留罇空北海虛前約

病告東陽益別愁，征旆幾時歸。偃月客心，一夜夢藏舟。
塵埃日日無窮盡，能免幽人笑我不。

和戶曹池亭韻

水光冉冉上朱欄，六月軒楹起薄寒。誰約醉翁同酒艇，
欲尋溪叟問漁竿。風飄翠芰清如洗，雨裛蒼苔綠未乾。
見說諸公游興愜，夢魂終夕為盤桓。

和史司理水軒

收拾澄虛過斷牆，軒楹從此有輝光。草侵兩岸春應好，

水接雙溪晚自涼詩念松陵頻縱筆會思河朔重飛觴
漁舟占盡江湖樂應笑吾儕簿領忙

次周戶曹見寄

車馬歎危冒險艱烟塵衰颯病容顏游心自惜相逢晚
歸興能忘一笑閒野色無涯秋冉冉溪聲不息夜潺潺
而今幕府文書少須約詩筒重往還

長嶺值風

江上避風苦流滯林邊步竹強遲留山迎草色渾青黛

浪逐鷗羣盡白頭垂柳絲絲縈渚岸落花片片入溪流
興來却喜閭閻少雙眼無塵事事幽

西口值風

逐處烟嵐照水村誰家草色接衡門山藏曲圃非塵路
花滿幽蹊似故園海燕鬪風輕笑語林鶯帶雨巧飛翻
天時似有清明意自作新歌慰旅魂

和廣漢旅中韻

冉冉征衣冒曉霜客心衰寂鬢毛蒼故人行行李來江外

游子飄蓬念異鄉言失筌蹄知意得醉遺簪紋覺形忘
青衫四十猶羈旅嘆息泥沙困乘黃

席上分題得長字

肥上相逢各異鄉笑歌猶得慰參商人心未盡文章樂
馬首還趨道路長鶴髮久埋宗廟器荷衣行覲赭袍光
功名自有天時在更盡林邊酒一觴

得趙吏部所附第二書

日月不傳如轉車忽忽還見歲其除已行沙漠數千里

纔得京華第二書一讀令人喜不寐萬金於我實何如
遙知日月從三友弟勸兄酬樂只且

與磁倅郭公域

熙寧天子作文功揀點官師在學宮璧水三年嗟我拙

蘭英一笑憶君同

熙寧中予作太學直講公域作監丞嘗同飲蘭英酒

青衫昔日

俱強壯白髮今時已老翁邂逅欲言渾不及別離三四

嘆西風

元日

玉律陰陽會璿璣日月新熙寧萬歲厯元祐八千春卦
象已乘泰斗杓方建寅白頭諳守歲紅燭最知春栢酒
人懷遠餽盤客薦新老來長道路慙愧百年身

答相州司諫同年

白簡風聲雨雪霜幾回趨走並鵷行清名久自還吾黨
治譽今尤慰所望

時成之
守相州

安穩慈親行小徑光輝彩服

侍華堂我今不復有此樂一讀君詩三斷腸

成之詩云
君今輸我

侍萱
堂

望雲嶺飲酒

班荆解馬面遙岑北勸南酬喜倍尋天色與人相似好
人情似酒一般深

接伴待制舉酒云人情似酒一般深

豚魚尚可及人信

秦越何難推以心立望堯雲搔短髮不堪霜雪苦相侵

北使還代書寄穎叔

南行湖海北幽州不見故人今幾秋萬事塵沙渾是夢
百年露電只如流欲觀王儉紅蓮幕更上庾公明月樓
舊說楞嚴多少義由來祇在一毫頭

尚德

萬里沙陀險且遙
雪霜塵土共蕭條
未煩使者旁通宛
已見將軍夜度遼
往日御邊誰似宋
今時尚德莫如堯
試看虞舜岩廊上
何羨呼韓渭水朝

南歸

忽忽燈火着征衫
客勸賓酬酒既酣
老馬經時俱首北
大鵬今日會圖南
擬尋樂事羞華髮
欲問生涯指舊庵
貪惜上恩歸未得
素餐自愧百無堪

鄱陽集卷七

欽定四庫全書

鄱陽集卷八

宋 彭汝礪 撰

律詩

廣平句謂北地險至此廣大而平易云初至單
于行在其門以蘆泊為藩垣上不去其花以
為飾其上謂之羊箔門作山門以木為牌左
曰紫府洞右曰桃源洞總謂之蓬萊宮殿曰
省方殿其左金冠紫袍而立者數百人問之

多酋豪其右青紫而立者數十人山棚之前
作花檻有桃杏楊柳之類前謂丹墀自丹墀
十步謂之龍墀殿皆設青花氈其堦高二三
尺濶三尋縱殺其半由堦而登謂之御座

四更起趣廣平朝上下沙陀道路遙洞入桃源花點綴
門橫輦箔草蕭條時平主客文何緝地大君臣氣已驕
莫善吾皇能尚德將軍不用霍嫖姚

諸君約歸日

黃金束帶錦貂裘白髮追隨每自羞已見冰漸流碧水
遙知春色滿皇州紅開金谷樓前面綠暗玉津池上頭
衰病到家應稍健為公須醉百金甌

歸期

歸期元約是花時曲指花時定可歸日煖擁雲迎馬首
天寒飄雪點人衣老酋淚落不忍別野鵲性靈相近飛
到得歸時春更晚故園桃李正芳菲

沙陲逢正旦使副

踏雪予今濟土河驅車君始入沙陀異鄉邂逅不可得
別酒留連能幾何縹緲飛鴻無限意凋零白草不勝歌
仲玉子開使北小到家正是花時節酒飲休辭盃數多
詞有飛鴻白草句

送鄱陽太守

青春一日錦衣還酒上親聞喜動顏靜視浮名雖羽翼
回瞻明德已丘山身留桑梓孤衷結目斷旌麾一淚潛
初仕正憂民事拙願書餘訓起踈頑

又

朝星一夜渡寒江千里瞻依重慨慷
荆土定能碑峴首
召南安敢廢甘棠遺恩未散波濤潤
令德長餘錦繡香
吟盡肺腸還自惜江湖不似去思長

又

天明下詔寂寥濱師帥高才得獻臣
事出中和民自懌
令捐苛細物長春紅裙涕泣瞻征旆
白首驩呼滯去輪
簪紱相先問行色幾時攜節渡江瀕

和程秀才望五老峯

金野史卷八
憶步靈芝望翠巒扁舟今入望中山沾濡曉霧仙衣濕
點綴春苔鶴髮斑幽谷靜聞寒布落重崖晴見暮雲還
世途正為聲榮困誰伴蒼顏老此間

和謁孝肅祠堂

聲容不見見靈祠春惜徘徊重嘆咨樵牧萬家歌舊澤
簪紳百拜望英資深圖遂失商霖遠清論空隨海月垂
欲拾緒言嗟未得風流喜讀大夫碑

和李餘千千越亭

溪流可到非千里客夢相望欲十年勝槩昔聞遺老說
樂游今見令君賢月移波影歸珠箔風轉灘聲落綺筵
安得浩歌尋澗曲獨飛綸釣醉霜天

次皇甫登興化水亭韻

簿領終朝困蒸暑危亭一息得微涼草迷幽徑回環綠
花落滄波在處香永夜鶴聲雙唳月清秋松色自凌霜
平生愛樂澄虛地一夢遲留夜未忘

同游獨山

路蹊曲曲上喬岑風物踈踈接遠林攜妓笑無安石樂
愛山喜似晉公心步尋翠石傷荆玉行接幽岩望傅霖
別去幾時重會此欲君無避酒船深

二

獨山亭子山之心萬竹相圍畫翠陰古剎地幽紅日永
懸崖人靜碧雲深輕風細細無朝夕勁節依依自古今
吏役幾嗟詩筆廢興來不惜為君吟

三

城樓日日望霄垠車馬今來訪舊聞寒石萬尋圍翠竹
危峯一點綴青雲洒然自有林泉樂去矣吾非鳥獸羣
安得畫工圖絕致盡收蒼翠寄諸君

四

相期一罇樂共宿獨山青塵土不能污夢魂還自醒夕
陽登絕徑明月步危亭為我題僧壁炎天此日經

謝公權賜蜀牋

君得奇牋自蜀溪緘封密密寄幽棲香銷翠玉花枝軟

影落青雲鳳翼低書橐一朝豐綺綉詩心半夜振虹霓
報之重愧無瓊玖強拾芻言細細題

次韻答劉行甫同年

江外書來墨未乾笑言可惜礙雲山字無塵蹟精神健
詩有天才態度閒皓月分明生海上仙韶容易落人間
夜深一夢無拘束飛度重湖曉未還

和張侍讀總翠亭

城隅東北起危亭卧棟飛簷控地形萬井不藏平野綠

一湖纔見遠山青春歸會圃低華幄雨歇寒無露翠屏
日暮登臨望樓闌誤隨飛鳥下南溟

和館閣諸公游池韻

達士超然獨若遺賦詩行酒似兒嬉一盃相屬非人力
四者難并異昔時高柳去隨波鬪綠啼鶯未與燕為期
春晴豈但羣公樂萬物紛紛總自私

和致遠學士游池

堤外波瀾侵彩霓花間宮殿出高枝風高天矯鳳飛去

雨止蜿蜒龍倒垂早晚烟霞相間雜浮沉魚鳥並游嬉
文王臺沼羣賢至不比山陰祓禊時

又

岸岸垂楊障綠陰時時好鳥轉清音昭回河漢波瀾濶
方丈蓬萊雨露深到處香烟濃作霧誰家珠翠密成林
爭標想見千人唱聲入青雲畫鼓深

送程給事並次中丞雜端韻

公去江淮今幾年

公守楚及鍾陵皆有遺愛謹謠今日尚紛然思榮

復擁千兵出課最應當一路先詩字細題幽寺竹酒巵
深泛碧池蓮風流會續蘭亭盛幕府能無竇鞏賢

持正率和中丞諸公喜雨詩二首用前韻

滂沱自足慰民憂更洗甌閩四五州

聞南劍等處多盜杜工部詩云得鞭

雷公石滂沱洗吳越

風入遠林驚海圻水吞平陸看川流禾麻疑

疑私時澤魚鳥欣欣愜所求涼簟飽眠吾亦樂靜窺槐
葉擬開秋

次中丞韻

人家碧瓦照朱丹縹緲烟濤密瑣闌一水比隣千里海
萬峯南揖四明山鳥啼浮水塵埃外人在青雲道路間
祇恐公歸難久駐忽忽便捧詔書還

次雜端韻

畫舫參差看欲飛紛紛車馬壓塵泥右軍筆墨空蘭渚
安道風流訪剡溪白首得時歸莫遽丹心懷國去猶稽
月明會醉蓬萊閣應笑雲霄自有梯

持正率和諸太一宮詩

上方憂樂共元元祠宇知非泥故言真室轉臨雙闕近
清壇還拱五神尊光輝散燭光華旦動植歸藏厚載坤
旗出荆藩威震疊馬來龍種瑞便蕃溶溶遠水浮仙島
冉冉晴霞近紫垣畫像百靈朝闕宇制名千福徧重門
宮四壁皆有鬼神上制門名皆以承神之休貺為義壺中日永春長在洞口雲深
晝亦昏但祝君王千萬歲人心無以報隆恩

問龔深之疾往復

未識先生病所因調料想亦費精神無人可問維摩疾

顧我徒知管仲貧未肯一經終皓首不應千里漫思尊
藤床卧對爐烟細想岸澗明漉酒巾

二

居士如泡如焰身目前應接亦非神枝辭自己知吾拙
飽學誰能笑子貧午飲頻來同鱸鯉朝薺漫說欲羹蓴
黃昏急雨秋風濕想見青燈一幅巾

三

丈室寬門獨病身一經反覆足怡神漫從方外論空色

笑與人間共賤貧菊有細花浮楚醴魚無圓鯽煮吳萸
初涼願與厭厭飲預判荒荒月滿巾

和上官彥衡齋祠

廊陛紛紛響珮環半天星月曉班班誤瞻宮闕星辰上
疑聽金絲闕里間萬國祭祠嚴穀旦百年文物盛賢關
奉常固不煩為最太史徒知詠仰山

監禮士在秦為奉
常御史亦古史官

自秦為風
憲之任

又

五更欲踏月明還去意遲留馬亦班棟宇參差天左界
綈旒隱約殿中間簡編雅有多聞富杖履清無一事關
俗狀情知煩愛惜更容棲息道家山

祀畢諸公見
留數刻乃歸

出城呈君王都官

天寒雨氣滿林幽道上風塵擁布裘萬室未堪今日弊
一官敢念此生浮平常素拙公家事夙夜聊分縣尹憂
見說至尊方旰食吾儕何術補涓流

舟中暮雨

騎馬昔由建春去泛舟今自美豐歸水中仙子紅蓮出
物外幽人白鷺飛風起岸頭寒冉冉雨生烟谷細霏霏
吏情轉覺塵埃醜嘆息滄浪屬釣磯

春雨

三月江淮物正新等閒風雨挫芳春狂飄柳色低垂地
暗損花枝自惱人壟畝千家知有望江湖萬里喜通津
鵲原莫放朝華去共約新晴醉綠茵

漁艇寄蓮花

金定四庫全書
卷八
鳥飛池曲冒塵埃眼看蓮花葉葉開行李偶隨孤艇出
好風飄寄一枝來雨中秀色供吟眼風外清香入酒盃
半夜夢魂生枕簟神仙無語下陽臺

驟雨

乍喜物情爭發育無端驟雨欲殘春閭閻已負游芳意
畎畝猶滋望歲人厚澤顚顚蘓品暈微波泛泛漲江津
城頭便好狂吟去草木青紅襯錦茵

感懷

浪計尋思直徑歸太踈不與世情宜吟成白雪無人問
歌盡清風祇自知是否不能尋物議窮通渾欲付天時
軻雄已矣吾誰適猶有塵編舊訓辭

次張德甫朔雪韻

德甫家在東湖上

朔風吹雪落天涯醉立飛樓四望賒糞壤不知涵潤澤
蒿萊無復見纖瑕半宵庭檻光爭曉窮臘園林物自花
誰借一舟湖北岸月明東訪戴生家

梅

春入園林總不知
牆頭初見一梅枝
朔風不挫寒水骨
夜月偏饒白玉姿
密意忍容鶯蝶污
英心長與雪霜期
人情願得和羹實
無縱羌童把笛吹

睡覺

漏急難留一夢清
燈寒相伴寸心明
暖薰繡被春風信
寒戰莎堦夜雨聲
盡曉絲篁來竹幄
何時錦綉滿花城
病夫不稱詩魔役
愁見吟魂續續生

送太守舒郎中赴闕

英謀一發破昏冥道路喁喁側耳聽千里嘯歌趨雨露
百胥姦猾避雷霆閭閻有讓風長暖囹圄無塵草自青
朝罷雍容問民瘼願言康樂上宸庭

二

陋跡遲迴寂寞濱欲聞高誼嘆無津聲華未及膺門客
揖讓猶皆蜀守民白日忽收千里詔清風長挾萬家春
窮途傾睠陶鈞力吟盡肝腸一慘神

三

解郡西南促去程扁舟西下照江明旌麾益近青雲路
劍佩行朝白玉京勢位久淹猶郡國光華此去即公卿
山林願聽功名起野拙猶能頌治聲

過陶太尉廟

劉石紛紜正戛戈盡心收得晉山河巍巍功業能如此
藉藉浮言意若何風雨舊祠藏石壁丹青遺像落江波
黃昏欲作溪頭釣願馬當時壁上梭

伯兄歸自桐江未至因有作示諸弟

遙思徒馭去江干道路誰何共險艱
長使庭闈終日望
不知車馬幾時還
佇期笑樂同塵席
應有文章慰病顏
酒甕半空為收拾
筮言當見立談間

將歸寄澗之弟

紛紛窮緒不能禁
一縷俄驚百萬尋
風月正牽相望眼
山川難繫欲歸心
蕭條又作新秋意
牢落誰同永夜吟
車馬鼎來吾即起
夢魂先傍竹亭陰

奉別張伯逢先生

強鞭駕蹇逐塵蹤百駕方成跬步功
天地有心成草木
蚊蠅無力負衡蒿
紛然又見瓜期及
晚矣猶思吾道東
一寸古心長自歎
依依餘恨滿西風

斷編

斷編塵簡即吾師
萬里徘徊得路遲
覽照忽驚顏色古
臨空嘆息羽毛衰
迂愚未盡田瞿學
庸賤空收鮑叔知
安有微波增海曲
願因窮臘看松枝

高議

高議軒昂破麗淫清風遺散落塵襟倚山漸識浮雲意
臨水方思太古音無狀欲隨仁義老未完猶怯是非侵
西歸須念津塗惑願丐中庸鏤腹心

牢落

牢落歸來水一隅卧思天闕自煩紆祇知今夕又明日
不覺少年成壯夫禍去不虞堪太息勢臨無脩獨長吁
憂時未有如君老願聽丹囊上禁塗

王太博自浮梁移蒙州作送之

平時沉伏草萊間見說昌江治政賢愛浹羽毛人自畏

君為浮梁有水鴈雙棲縣廷之南

詩成金玉俗爭傳一麾出守今行矣

萬室傾思正慘然祇恐又庸明詔去蒙山無計重留連

送周掾赴闕

白駒一擲起塵埃紫鳳高竊出草萊盛德日隨流水遠
清聲時逐好風來百年正屬文明際萬事猶須幹濟才
薦牘幾多聞九極寵章何日下三台

寄伯兄兼問子文

富貴浪圖雖汨汨詩書餘力尚桓桓聖門一室相從易
世路多岐欲合難儀鳳穩依深閣宿老蛟寒即碧溪蟠
青雲有侶歌魚藻空谷無朋唱考槃緣木退藏翀漢翼
扁舟歸整釣鰲竿臨風願聽王陽仕洗手思彈貢禹冠

又

壯志當年欲請纓孤蹤今日尚飄萍塵埃易染羈容黑
氣義難邀俗眼青馮客劍寒長自擊伯牙絃古欲誰聽
風雲勇膽馳燕塞社稷丹心望漢庭思入鵲原愁四散

夢馳鶯谷涕雙零客悰願託詩情見吟盡清宵卒未醒
送子文赴闕

槿花時態甘相失金玉交情喜獨親慷慨有心探虎穴
遭迴無計附龍鱗君方奮翼青冥上我即潛舟寂寞濱
從事功名有餘力勉為書寄考槃人

寄潤之弟兼附呈伯兄

一棹孤舟接杳冥無聊長恨別離輕利名汨汨亂人意
南北悠悠分我情風觸鵲鴿寒影散日蒙棠棣綠陰成

莫令澤國頻回首時倩江鱗寄一聲

二

江外如今獨轉蓬思君不敢望飛鴻寸心引逐征雲北
孤夢爭先落葉東卧病此時千里隔微吟何日一樽同
却嗟逐客為羈客還見春風換朔風

三

風規落落已非俗氣宇堂堂知有才安得驂騑歸道路
不甘梗梓滯蒿萊青陽路逕新萌柳白雪林亭欲放梅

願逐羽翰歸故國相從歌酒起春來

東流道遇伯兄西歸寄二篇

君棲京國我天涯病眼相望淚滿衣邂逅得為千里會
倉皇不及一言歸窮通固屬時之遇取舍猶慙議者非
未得寵光榮里落久行猶足慰庭闈

又

久雨泥塗惡春風草木花相逢一笑樂欲去百咨嗟何
日定行役此時應到家平居傾望意汗漫正無涯

喜文淵登第因寄二篇

春風吹詔落天涯喜聽君榮及盛時
桂籍功名知自取
雲臺事業舊相期
騏驎有力爭千里
燕雀無才寄一枝
士稚果能先越石
蘓秦應欲憤張儀

又

十年共力詩書學
萬里相期將相科
白屋自知難掩抑
青衫聊得慰蹉跎
寵未有如君
早衰病爭加若我何
燈下無人知此意
獨鳴寒劍一悲歌

喜擇之子文至桐江次伯兄韻

病夫憔悴浙江邊誰惻窮途舊橐單尺素不聞傾塞鴈
扁舟未至望沙灘羈栖久客情無賴邂逅相逢意倍歡
幽夜冥冥思取火與君同取白榆鑽

聞庭佐不安因馳歸

山居傾睠舊朋儔日落原頭望不收奴僕忽來傳汝病
信音不寄使人愁羈懷縷縷無窮盡歸意飛飛可滯留
一舍道途千里遠那堪風雨重衣裘

自東流歸

久鬱主蓬困不勝狂游天地眼雙明行逢梅浦不能去
步接松林無限清風雨寂寥知物意山川崎曲見人情
愁悰觸物紛無寄喜聽村爐賣酒聲

東流道中作

輕快飛輿出古城蟠迂行徑轉沙汀鷗鷺映日露縑翅
鴻鵠鬪風開雪翎水瘦不藏寒石綠雲歸纔見遠峯青
苦憐野色溪光好倍覺詩魂酒魄醒

喜徐景宗秀才至

久客羈栖正無賴故人邂逅一相逢紅泥綠酒方沉醉
白雪清吟未歎從昏翳忽收塵耳目懽欣爭入病顏容
秋風且醉江山碧莫縱離愁到客悰

元祐三年同深之學士子開侍郎在初考今復
承乏有懷舊游因作此詩并幕次唱酬二章
寄呈深之學士子開侍郎

集英今日事全似戊辰春文彩窺多士游從憶故人抗

旌游海角

深之奉使時在兩浙

艤棹即河滄

子開被召帥高陽來矣

試作詩

相寄詩成更損神

又

數燭知歸日

殿試日賜燭一條歐陽學士戲云數燭知歸日矣

思家似老人

文忠

公詩云人老思家甚少年

此凡三鎖宿

某自元祐初迄今凡三為殿試官

今復一經

旬猛著綦銷日深憑酒送春蕭條雙短鬢半夜總如銀

和致遠學士韻

落筆千人畏揮談一坐傾竹林冬更好星斗夜深明愛

金少川先生集 卷八
古情何遠憂時氣未平老人無見解祇願酒頻行

十四弟得書承已次東流赴省試因寄小詩呈

推官承務弟

恰見蜘蛛喜便知鴻鴈來大波窺洶湧遙岫見崔嵬懷
土心欲折拆書先眼開繫舟龍化處亭子舊名雷

東流江岸

有雷亭

雲蓋老僧八十二

邂逅還相見慇懃復自陳三千大千界八十二年人衲

衣雲水舊頭鬢雪霜新手種庭前栢如今大似身

雲居相送至下杉莊

莫宿昏初黑晨裝曉已分鷄啼江上月犬吠嶺邊雲
好去龐居士善來洪上人臨行須一勘臘後幾時春

洪侍者從

行

昨日陪深之學士飯淨因登羅漢閣期致遠不
至憶山陰弟各賦一首遂寄二君

丹鳳禁城近青鴛寶閣開九天瞻佛日萬國在春臺東

觀人何處山陰弟未來飛雲來自在相望興悠哉

宿金鈎

絕域三千里窮村五七家雲深無去鴈日暮有棲鴉霧擁雲垂野霜連月在沙夜長無復寐寂寞聽寒砧

惠州

城壘四五尺閭閻千百家朝塵疑作雨暮雪欲飛花舊寺僧何在空堂鬼自邪三更愁不寐相笑是皇華

二

霧暗山千疊，冰寒水一涯。
風高天作雪，日晚露迷沙。
居士身如夢，行人驛是家。
青燈無意緒，點點自成花。

三

絕域冬猶暖，孤村日易斜。
浮雲點晴漢，幽鳥篆平沙。
白草單于壘，青燈渤海家。
夜蟾無定處，流轉共天涯。

途中見接伴曰三得家書因作是詩寄候

誰似老胡喜，一朝三得書。
去家常念汝，觸事獨愁予。
水凍魚全少，天寒鴈更疎。
三冬多壅熱，安否比何如？

長垣路中

欲作圖南翼却乘之北轅百年隨所值萬事擬無言短
髮霜如白孤心葉自翻夜深何許夢雙闕九重閤

又

身似水中木險夷惟所遭不堪誇拙速可復嘆賢勞雨
脚三冬少塵頭一丈高故鄉何處是南望首重搔

送熊次道

去入紅蓮幕來儀振鷺庭文辭元潤澤才力更精靈須

作晚成器擬看新發硎綵衣長暇日多聚讀書螢

天保弟被薦繼得子因寄是詩

鴈足書何速燈花喜更頻桂攀天上近珠入掌中新驥
種仍多子龍標又得人賀觴俱見在留待禁城春

和瑛師

澤國春初好江城雨易昏繫舟林下寺步屨水邊村法
悅長如此詩情剩欲論歸心師莫問一旆正翻翻

和通判承議

金
卷八
水邊人不到吾與子同行始見游魚樂時聞幽鳥聲山
如仁者靜風是聖之清擬買扁舟去江湖老此生

南安道中

南安窮且僻况復阻凶飢破屋人何在空山鳥自歸兒
童多素韞婦女祇青衣好雨兆豐歲斯民其庶幾

癸未偕子中都官文淵節推游東湖分題和子

中湖字韻

泛泛林邊晚扁舟憶五湖丹青難作賦水墨好為圖龍

蟄雲長在霜寒草自枯詩翁足幽興蕭灑在蓬壺

和文淵同字韻

湖上多佳致清樽況不空樂游今日並幽思幾人同苒
苒芰荷雨蕭蕭蘆葦風南州人不見流水自無窮

送寧和仲

玉粒稻初熟霜螯蟹正肥薄言酌我酒聊以送君歸疊
翠屏疑畫凌空鳳欲飛山前猿與鶴最識舊征衣

和君宜弟詩韻蘄州所寄

棠棣花開處衡陽鴈去

一作過

時封題開遠信涕淚衰新

詩知道頻嗟晚謀田更恨遲去留君莫問方寸正如絲

有感

往復何為者功名安在哉
茅心迷簿領蓬鬢老塵埃
魚蠹生書帙蛛絲在酒盃
淵明緣底事苦死賦歸來

溪上

濯髮溪頭水披衣林際風
低枝折楊柳高葉蔭梧桐
魚躍浮萍上鳥啼幽谷中
清涼仍各有彼此一無窮

君宜得種茶詩予和韻

始傍東園種初從北苑移本根原自好造化總無私紫
笋時名誤烏程舊種早酪奴吾不問酒聖爾何為

病中

富貴來何晚窮愁固有餘病多皇甫謐貧甚馬相如思
亂詩魂散憂深酒興踈此心無可奈徒爾重欷歔

病起

失意憂多病予今喜少痊寢興今泰矣容質尚蒼然鬱鬱

抑丹心塞紛紜萬慮聞此情無可奈整頓賴詩篇

醉極有感

飲極人之樂余心反自傷氣因人憤激情與酒飛颺淚
落侵雙鬢愁多鬍寸腸空羸山簡醉不似樂天狂

小徑

南北通官道東西隘亂山無時輪迹道經雨蘚痕斑世
路同歌側人心共險艱亟由平易去寧苦險巇間

日暮

人去紅塵息林幽晚意清秋陽紅旆亂夕靄翠紳橫新月淡無色微風寒有聲此吟猶未竟城吏已嚴更

嘆文

兒童不可近况復與之親薤露不終刻松風知幾春頻頻徒滿目切切竟何人誦罷鶯鳴詠空餘涕滿巾

陳秀才擴因旬休不至以詩呼之

寂寂碧窗下業同詩酒歡睽違纔一日恨悵已千端無忽離羣異須矜會友難相望正展轉行矣莫盤桓

題揚州因大師小池

閒寂黃金宇清冷碧玉池
軒楹收冷淡松竹讓幽奇
岸蹙源流淺山陰月到遲
未能活魚鰾安可卧蛟螭

題袁州紫翠軒

黯淡襟橫野迢遙面古城
丹青難盡意紫翠漫為名
山石開新雨溪楓照晚晴
杖藜饒縱目談笑不無情

寄庭佐弟

願我今黃髮嗟君亦白頭
讀書少不競從士老堪羞
陋

巷曷其樂首陽何所求一塵如好在聊欲與君謀

又

幸免葬魚腹更難騎虎頭少狂真忍耻老退似包羞蓬
葦遲非遠桑麻田可求浮生一箭速火急為兄謀

江上

柳翠蘆花碧楓殷蓼更紅金波連夕照玉浪起秋風霄
漢雙飛鳥波瀾一釣蓬江湖如許景總合付詩翁

伏承寵示滕王閣佳句因用前韻

滕王帝子閣徐孺聘君亭南浦水秋漲東湖雲晝冥江
山晴更碧松檜雪逾青安得泛舟去與君同醉醒

送和仲

心因行已老事更與心違惡景多離合浮生半是非愁
聞南浦鴈夢采北山薇昨日見之子問予胡不歸

詩示庭佐弟

世味祇如此消憂奚所娛心煩多一作久惡酒眼病頓捐

書倦倚筇枝竹寒圍木火爐公寧機械廢我拙笑公愚

夜坐謹成小詩呈晦堂心老

脩鍊清徹骨幹旋幽入神寸絲縛九虎一指掛三鈞丈
室夜忽旦寒崖冬自春師乎何所命學佛亦非人

和題真相院

山色隨行止溪聲滿見聞燈花秋寂淡香火夜氛氲野
色迷修竹厨烟長白雲大夫材力健故寵寺僧懃

和題淨慈寺

已失禪關治空嚴古殿尊佛香塵草莽僧飯飽魚豚萬

竹藏秋色豐碑落燒痕廢興俱物鑑誰似語公孫

道中時有山水之遇因用林字韻

我今倦塵土邂逅得幽林雲外千山色溪邊萬竹陰還
憎俗吏態稍快野夫心世事非樽酒天寒不自禁

寄公權

靈源起幽谷蕭灑與秋宜世事有窮處泉聲無盡時流
沾一山足澤入萬田滋祇恐明朝別清風到夢思

欲雨

車馬冒蒸暑道途傷久晴雲生蜀山靜風度遠秋清白
蟻紛紛聞鳴鳩在在鳴微陰知雨意失意問農畊

薄荷

神農取辛苦病客愛清新寂淡花無色虛涼藥有神煩
心浸冰雪眩目失埃塵自是芝蘭臭非同草木春



鄱陽集卷八

欽定四庫全書

集部
鄱陽集卷十九

詳校官庶吉士臣范逢恩

檢討臣何思鈞覆勘

總校官編修臣王熙緒

校對官助教臣卜維吉

謄錄監生臣張同履

欽定四庫全書

鄱陽集卷九

宋 彭汝礪 撰

律詩

寄鄒秘丞同赴京師

馬上梅曾賦林邊酒記賒乾坤新帝業山野舊人家自
昔餘篇翰經春五歲華詩成無雁寄一夢入天涯

春秋成字韻

鳳鳥知何處麟經卒告成人無義戰歲歲有王正秦

楚空強力桓文漫主盟是非微旨
在終始願深明

二

法為衰周起文因舊史成有權皆反
正無事亦書正泣血葵丘會傷心
首止盟三家自螢燭未助太陽明

三

聖念周邦弱經因魯史成尊王常謹
始罪隱不書正弗義嗟頻戰無常嘆
屢盟幽微今煥若寧復比丘明

四

賞罰陵遲久春秋筆削成稱人譏楚僭書月謹周正國
國強并弱時時會復盟前賢褒貶在一覽是非明

和深父傷字韻

鄭棄非人棄梁亡只自亡危機交弊弱血刃第爭強恃
力雖千國推尊獨一王衰微今已往掩卷益增傷

二

前史權衡在當時法度亡力扶周室弱深抑楚人強言
戰嗟無義書元示有王細推褒貶意掩卷一悲傷

三

戰伐周綱替春秋掾已亡綴旒憂主弱問鼎嘆臣強蕭
斧懲當世著龜鑑後王最憐君學苦能為古人傷

四

春秋二百戰一一叙興亡書戰皆非義稱人亦貶強臨
文常抑楚謹始必尊王窮究當時事應須發感傷

深父學士示易詩四首某輒和韻

學易非吾敢疲篤亦勉旃冥心二篇策皓首一韋編憂

患生拘羗幾微續草玄相期須畛域慎勿泥蹄筌

二

大易誠微矣吾門敢舍旃文雖重舊旨孔亦斷殘編道
遠為功駿言微蓄意玄江魚如可得朝夕自忘筌

三

聖意藏義易人心勿舍旃玩爻知上古經火嘆遺編六
畫功誠簡三才道亦玄兄今微大過默默識真筌

四

易道更三古愚心願勉旃研幾甘白首窮理自黃編西
伯爰于繇揚雄準以玄意先言象得從此捨魚筌

毛詩

美刺詩之奧予今得所歸議收天地遠心到聖賢微雅
頌藏興廢蟲魚隱是非篇章三百五一數珠璣

二

古詩皆有托正道豈無歸風雅收功遠絃歌得趣微王
劉終少是毛鄭亦多非儒氏潛深愛篇篇盡玉璣

三

周魯詩三百篇篇自有歸人心散堙鬱物意露幽微原
本今無復風華比益非適人不知採空此綴明璣

題寄晏無黨少府

身逐塵埃際心迷道路間無聊常臥病未老已衰顏竟
日千憂結何時一息閒空勞中夜夢繞盡夕陽關

和章承議通判來章

近水班荆坐緣山拄杖行雲烟窺勝概風雨聽寒聲久

累維摩病多慙衛玠清波瀾終未息衮衮共勞生

問伺

知現維摩病莫淫皇甫書去歸吾未可調治爾何如眼
忌時時拭頭便日日梳首先懲忿怒次第學呵噓

雲蓋寺詩

并序

唐淨圓禪師初自石霜來得乳蘿洞喜之將
宅焉初至蛇虺塞路矯然怒視師師以法語
告蛇引去既宿而斃師為焚之且視無遺燼

有三水焉左者黑右者清中者白師既築室
從之者如歸市逮今遂為名刹

舊日蛇虺穴今時薜蘿林寒泉三井舊高閣五峰深翠
竹娟娟老長松漠漠陰鳳凰池好在誰得老師心

漁家

小徑通山塢扁舟宿釣磯兒童汲水上婦女背樵歸臘
月魚蝦足豐年鷄鴨肥是非人世事應不到柴扉

道中

湖天冬不雪山地晚多風岸草猶全綠村花或自紅差
池歲聿莫寂寞雨其濛南北隨蓬轉浮生旅寓中

馬上讀書寄君時

夜秣駸駸馬晨脂繹繹車更行猶挾策漸老欲捐書漫
意窺原委非工辨魯魚相知今亦少舍汝更誰歟

二

獨自鞭駑馬誰何借後車浮雲看富貴陳迹泥詩書畫
虎豈類狗忘筌在得魚田園須稍葺吾與汝歸歟

某聞老母到葉未得平安家書作小詩寄君時
弟

慈闈聞及葉坐待到天明望月魂先往聞更夢不成花
開燈有信書少雁無情欲往終多畏遲留嘆此生

和念一弟詩韻

事如車轉軸日夜不曾周固各有分定疑皆非本謀能
鳴君似雁不繫我為舟擾擾膠膠者憐渠不自由

內鄉招提寺

淫雨宿蕭寺白雲思楚山病催顏色老淚衰髮毛斑流
水終何事飛禽倦未還夢歸無別處驚嶺鳳林關

春陰呈兄長

春陰祇欲睡世事固相尋簿領麓官意塵埃故國心風
吹花點點雨壓柳陰陰幾日城頭步乾坤共醉吟

二

春容猛狼藉暑意已侵尋寂寞悲時事淒涼上客心鶯
飛啼野色蝶戲落花陰喜有城隅望乘風聽苦吟

三

花開初熟醉月上夜微吟志節傷時序詩書愛寸陰未
忘他日意無用此時心更約藏舟步餘芳尚可尋

途中早起寄兄弟

為惜庭闈別方驚道路難醉憐山月古病怯野風寒駐
馬詢農耜臨溪問釣竿新詩如有得寫染寄歸翰

和巖夫如字韻

霆聲破幽鬱雨點散空虛日夕分長短陰陽競慘舒柳

絲吹細細花片落疎疎試望孤城遠江山畫不如

送巖夫庭佐歸寧

花滿春來路雲歸雨後天紅塵一馬去白日寸肝懸秀
色歌棠棣歸心聽杜鵑東風吹眼尾客淚滴涓涓

二

春雨傷行色秋風問後期欲吟黃鳥意更遺白華詩客
路看山色親幃有夢思遙知到家日正好采蓴絲

武岡驛

破屋山間驛窮閭溪上村雲山能近郭池水故當門氣
象生詩筆波瀾動酒尊夜長歸夢遠憑爾與招魂

驛前人家小池

黃茅前驛路閣淡小池園春近花林好日斜鳬鴨喧幙
雲寒冉冉眉月夜翻翻莫笑村居僻誰如拙養尊

武陽寨聞峒中作樂

成康已措刑文景不言兵夷俗家家曲蠻歌處處聲長
腰筒拍鼓細竹葫蘆笙物意惟安樂人間共一情

蠻笛
長一

二尺孔疎其聲下而清筒拍鼓長四五尺以帛係于肩而拍其下胡蘆笙葫音鶻以十竹為戶其聲不可復辨

武陽寨見村中梅花

茅屋蠻溪路梅花亦自開雪深憂思遠風靜暗香來故國春何似孤城興遠哉晚風吹片片恣意點蒼苔

寄二弟時在白彪莊

攜篋戴星去荷鋤衝雨行隄防詢故老銍艾倚新甿移竹三千箇添松一萬莖但能逃凍餓吾不慕公卿

伊尹初耕野兒寬自帶經故須聊假手無或甚勞形曲
曲水如帶栽栽山似屏夜牕吟更老不負讀書聲

催君時歸并寄君宜弟

命彼僕夫駕晨雞初一聲朔風不可渡南徑却堪行貧
莫甚今日瘦無如爾兄故慙魚得計最愛雁能鳴

二

三復棣華賦俛焉懷古風少時貪壯決老去自童蒙以
病故有病既空何用空不須多問此萬劫剎那中

和君時弟

老馬青驄色扁舟畫鷁文長烟橫作帶疊浪似成紋北
嶺夜收雨南岡朝出雲賦詩知有意畎畝不忘君

答君時弟

塤箎與鴻雁一氣更同聲鼓則與桴應形惟從影行無
如我宜弟頗笑爾難兄洵美歌棠棣仍須聽鶴鳴

二

塤箎無俗韻鴻雁有秋聲更類惻惻友非同踽踽行愛

無踰玉季名有愧龍兄莫作升堂賦相期以道鳴

三

夢覺山頭月歸來湖面風遠林寒寂寂幽徑曉蒙蒙反
哺烏鳴屋成行雁貼空物情緣底事祇欲攪予中

四

是露復是電非鈴亦非風應作如是解無為彼所蒙世
累不見累真空亦非空欲知如是意不在內外中

和子忠弟見寄元韻

詩書非不樂富貴竟何加歲月流年晚山川行路賒學

須千古到行畏一毫差閭闕相期遠寧惟効兔置

來詩云相

期効兔置

和運幹奉議見贈元韻

沈碑萬山脚騎馬習池頭元凱亦過慮山公聊自謀青
烟鹿門淨黃竹鳳林秋興廢不可問登臨徒百憂

離武陽寨

山谷多時雨乾坤昨夜晴經年淹壤舍破曉出邊城青

女吹風急常娥伴月明人間春到久寂寞壯心驚

和君時弟洗竹

斬伐奚傷性繁枝漫作陰靜留朝日暖寒聚晚烟深葉
有禽棲息根無蟻蠹侵龍孫今轉盛終待鳳皇音

和君時弟有感

鬢髮非蓬草秋來亦自衰簡書公迫促歲月細推移見
客簪裳懶登樓杖履遲故園松菊在歸計定何時

和君時弟生辰時八月十四日也

牛首作

月行正幾望露潤欲為霜箕斗能符契桑蓬可感傷少
時材獨出老去德方將看取華亭鶴何嫌髮鬢蒼

示君時弟刈禾有感

牛首作

終朝風且息

自秋初多大風比稍息

五日雨奚妨白嫩禾先老黃

花菊擬香大夫誇作賦公子恨無裳曷日同舟去白彪

池水陽

白嫩江南禾種名黃嫩白虎腦烏稈之類

示君時弟

牛首作

天寒雲不散決渚路猶迷烏雀飽棲屋蒼鷹飢啄泥樂

耕莘氏媵敬饁冀人妻山色碧千仞願同君子躋

承和途中四韻

此身俱是客何處合為鄉雨後春山好天晴晝日長三
年穰下郡一信赭陂陽鴻雁非中澤鳴鳩祇在桑

赭陽方城

和君時寄叔韻

屈首隨溫煖低頭避譴呵靈根無挺拔古鑑少揩磨故
里三千遠浮生四十過漢江魚不少書寄莫嫌多

和致政侍郎書懷因寄贈侍親及鄧以中使計
會剡刷軍器改途先之唐因寄是詩

霧露星軺濕塵埃羽檄馳君玉非好武天下合防危樂
事難并合浮生易別離賴知春好在五日與君期

桃李

南陽多桃李寂寞自成蹊白雪千林潤紅雲一片低人
非劉氏子路近武陵溪故國春相似瞻觀處處迷

老馬

今日衰翁馬當時御史驄
少嘗更險阻老更識西東
力憚馳驅遠恩從莖秣豐
不應思伯樂未便誤桓公

送和仲

遠宦無情思君來慰病容
棣華開韡韡鳴雁去雖天
上張公子雲間陸士龍
聖門多間奧更願與君從

病起

抱疾漳濱久衰顏一倍增
髮疎簪不穩足蹇杖難憑
身病他何欲家貧去不能
世緣知不早今日似纏藤

送君時

未曉乾坤大能容此地翻連雲障飛翼穴石聚遺根藍
縷誰家子奔忙幾處村焉知神聖意飢渴念元元

和君玉捕蝗雜詠

草木經春老牛羊薄晚歸水痕長淡薄花片巧乖微感
物愁盈斛勞形帶緩圍利名勞有此今日已知非

二

澤畔行蕭洒山邊宿寂寥烟塵牽永日風月自澄霄水

早憂千里農桑念七條君材知有待歸夢莫迢迢

三

燕拂低枝出鷺尋接葉藏地平山影薄溪急水聲長零
露濕人鬢飄風吹我裳道邊花更好還亦似河陽

四

南北驅之既東西長又多已知蠹人力母亦沴天和號
令趨風雨鞭笞畏網羅相看愁欲死恐未及驩歌

五

馬病風塵裏人疲簿領間
旱枯憂澤竭汗浹怨風慳
時雨恩終厚驕陽勢苦頑
降真香一炷百拜望南山

小飲次幕長晦之韻並簡王路分

小飲支風色清言慰客襟
早鵬寒獨出雲影淡無心
短日催冬至長更報夜深
幾時辱車轍重約盍勿簪

次德甫韻

露染黃柑熟霜添紫蟹肥
天真俱自得世路偶相依
飲數初憂病歡成復忘歸
醉吟侵夜色星月淨輝輝

游泰寧因登衆樂亭望仙閣賦詩得同字韻

久雨生新水初秋足好風
柳枝低嫩碧蓮萼落輕紅
萬室游從樂何年締構功
高材終不俗會與衆人同

和巖夫花字韻

幽亭隔世路高閣見天涯
綠散林邊葉紅生水上花
人歸越溪藕僧進壑源茶
可念詩翁物都歸野叟家

試諸葛生筆因書所懷寄諸弟

臘雪催寒盡春風送煖微
浪為青綬繫愁望白雲飛
塵

事朝朝在鄉心夜夜歸歲時如故國憶戲老萊衣

二

塵土千鄉濶風波一宦微雲中鴻雁去原上鵲鴿飛終日青樓望何時畫鷁歸作詩聊自遣還欲淚沾衣

三

後生戒輕侮初學慎嬉游親膝今霜鬢家風祇布裘詩書起門戶文字取公侯十上才猶拙知音為汝憂

四

自別番江夜還移楚水春寄聲何草草流誨已諄諄世
路文章貴人生手足親杜詩賈馬賦數數寄魚鱗

五

寄聲王與蔡安否比何如迢遞身難接淹延歲又除顏
淵一簞食惠子五車書勉就先生學文章或起予

六

最憶東林檜婆娑一檻陰寒枝生自好細葉長還深記
憶花香近憂虞草蠹侵弟兄勤愛惜留慰百年心

七

最憶東林竹蕭疎入夢魂
秋枝餘鳳實春筵長龍孫
聲轉晨風細陰生夜月繁
幾時歸袂接爛熟醉方樽

八

長憶東林橘秋深箇箇員
青雲衆星聚碧海萬枝聯
染露光相照經霜味十全
能將洞庭種分寄楚江邊

九

每憶東林菊秋風一萬枝
盡饒春卉盛不為曉霜衰
故

國三年別高明九日期籬邊自開落熟醉負金卮

十

最憶東林好真珠細細花滄溟分瑞色蓬華見春華
雨壓纖枝轉風吹小葉斜化工纖巧甚無怪世情奢

十一

最憶東林景占春見早梅仙花自瀟洒雅思不塵埃
却恐隨風散長疑帶雪開淮濱終少有驛使亦能來

十二

最憶東林勝花間舊種橙龍珠相照應鵲殼未飛鳴香
臭先羣衆龍光望太清良庖不遐棄亦足効和羹

十三

最憶東林側花開季季同豈無十日好長占四時紅愛
玩迷光景偏私見化工可嗟桃李盛榮落獨春風

十四

鴨脚東林畔慈親手自栽取心俱有實視表獨非材白
玉成千粒紅紗寄百枚江南春去早花復幾時開

十五

棠棣東林秀紛紛近北堂池荷羞葉綠籬菊釀花黃
裊裊風前態飄飄雨後香讀書憶兄弟回首淚千行

十六

二月東林勝千花貴牡丹笑迎春日煖困怯曉風寒
仙子迷蓬島貧家富綺紈詠思魂欲斷誰寄畫圖看

十七

榴結東林秀維揚得此栽春風百花落暑雨數苞開
轉

影臨粧鏡飛香上酒盃
江淮千里遠安得一枝來

十八

見說東林地盆池近種蓮
清風生綠水酷暑炎天物
外無雙格花中第一仙
即今春已到應復葉田田

十九

吾憶東林北庭前巧作山
乍晴風苒苒久雨蘚斑斑
魚釣滄洲靜樵歌白日閒
蓬瀛仙世界容易落人間

二十

吾愛東林靜幽亭學結茅風雲生石谷烟霧接林梢短
檻仙禽宿疎櫺乳燕巢更無塵俗到蕭洒似寒郊

又憶東林

夫君自南國有信寄西風天上曾攀桂江邊復轉蓬試
為千里約敢慍一囊空相望看明月高秋復在中

初夏詠

簿領紛相壓塵埃懶未堪輕陰人割麥微雨客憂蠶照
水荷衣薄迎風柳鬢髮微吟聊自釋一夢滿江南

圍鑪分題得書屏

巧製方還曲黃編卷復舒
廢興千古意窮達一屏書
光素侵殘雪塵埃拂蠹魚
麓官久不用慎勿怨相疎

和潤之硯水

晨風凝不散硯石凍初成
翠失蒼龍骨寒餘一鑑清
纖毫隔冰雪寶墨妬瑤瓊
莫近朝陽暖留看夜月明

和庭佐酒船

紅錦圍歌席黃金飾酒船
興撩江外客香忤飲中仙
憂

慮無風雨歡娛揖聖賢空餘中夕夢一棹倚江天

端午

日上天心直風生水檻寒羈窮念時節草次具盤餐買藥知衰病開樽得小歡醉懷江國味撥棹倚江干

禱雨

萬物紛紛出驕陽苦蠹侵盛衰占物理憂樂念人心又作祇園禱誰為傳說霖無誠動幽隱子細卜山禽

宿鄧橋

一舍山頭路數家溪上村泥塗淹白晝風月宿黃昏松
徑笙簧雜蛙池鼓吹喧寂寥無酒興迢遞有歸魂

和子堅同游東湖游字韻

小徑行幽草回塘汎杪秋風波魚自樂芹藻雁同遊暇
日容攜酒晴天好放舟夕陽歸旆晚更向水邊留

次芸叟韻

雪霜歸漢塞星露近蘓天金錯千兵甲花團五馬韉春
從今夜好月勝別時圓頗笑荆溪老猶談般若禪

水軒晝寢

曉步迎晨旭
昏歸踏暮鐘
簿書分意思
塵土病顏容
隔岸柳陰細
侵簾波影重
諸公惜駕蹇
一息養疎慵

暮宿驛舍

別袂風輕動
離裝雨薄沾
斷霞孤鶩落
新月一眉纖
鳥羽棲幽徑
蛩聲滿畫簾
稍羸詩思健
還覺旅魂添

磁州

初聞神鐵語
舊記滏陽名

取鐵治自三代以來取之然日取日生故人以為神在滏

水之地擅磁毛富時無石鼓聲

磁出磁毛石鼓時有兵革則鳴

夕陽神

武家秋水武安城嘆息彼之子奚為蝸角爭

雪後會仙洞

座見會仙石逕觀羣玉峰寒聲無近水幽徑旋移松
晚日烟霞雜歸雲粉黛重天寒宜飲酒衰疾每相容

接伴太傅離新館其兄迂于途

使者乘輅至將軍走馬迎侏離何所語踴躍不勝情
寓目鴻雁澤傷心杖杜行天平非有間我老獨無兄

和濟叔兄書齋言志一首

讌處重尋舊淹留怪此身是非方背俗趨向且依仁講
論青瑤重文章白日新材謀強訓練機務默經綸抱策
期寧漢潛輝豈避秦幽扉重鮮跡永巷絕車轡與域爭
先到夷途約荐臻方從三友益肯顧一瓢貧學以充吾
志思期惠爾民如何迷要路未得泛通津雖謂神龍屈
寧慚尺蠖伸廟堂方致理巖穴肯遺人自顧蓬蒿跡終
非草莽臣佇期攜素業相與奉嚴宸執已清成雪謀邦

銳應斤力求三代治追復在昌辰

倒押前韻

幽齋置圖史相與樂清辰世路寬鞿勒心茅得芥斤圭
蓬思魏闕寤寐想楓宸困阮孟東野羈窮朱買臣惠時
空有策知己尚無人跡退心猶銳時窮道益伸鳳潛傾
帝閣龍輳望天津業負青雲器寧期白屋民第增材德
富休笑室家貧華戶此時隱金門異日臻世途雖晏晏
邊寇尚轉轉邂逅得歸漢箴規當借秦安危歸指畫可

否屬經綸力振朝綱弊期增治具新致君儒者事康世
士之仁蓄極符亨矣無羞困辱身

勉友人張生一首

羣英偕奮迅夫子尚埃塵辜負青雲器淹留白屋身孟
軻雖欲仕原憲固安貧甚矣逢時晚歸與樂道真林泉
遜華耀詩酒毓精神天子真明主朝家況盛辰忍令伊
尹輩終老止耕莘

次儀父春日草韻一首

一室浮塵外重門翠嶺坳愧非南土秀輒繼竹林交共
喜逢佳節狂游過碧郊綠垂溪柳線紅舞野花梢歷亂
禽相語芊茸草漸包賞心須載酒席地不誅茆野眺幽
歡入羈窮舊恨拋川原真勝境雞黍亦嘉餉清唱溪泉
激虛談珮玉敲醉腸波浩蕩銳氣虎忽然天子今堯舜
吾門豈許巢亨遂行決矣何必俟占爻

上劉推官一首

盛旦登高第青衫偃壯圖蘭臺收碩德蓮幙得真儒江

左風流敞都陽習俗汚晨昏叢獄訟利病倚謀謨郡政
頽綱整都民舊廩蘓英聲傳士庶清議滿江湖事業人
之表機籌帝所需大臣交薦擢榮召計須臾有客材無
似謀身計大迂志憎時態薄道欲古人俱寓跡文章苑
棲魂典籍郭傾螺思測海擿埴強求塗不見孔之卓安
知柴也愚駑蹤誰警策弱質寡持扶與物睽違甚惟公
顧盼殊滯頑真瓦礫拂拭過璠璣陋學慙無狀浮名出
不虞見知雖鮑叔蒙過豈夷吾朽木依刀尺堅金屬範

模會須終盛賜俾得望亭衢

夜泊睦州桐江

一水連銀漢千山擁古城客乘清夜息舟倚碧溪橫皓
月危峰影清風細浪聲嘔啞殊俗語慘淡異鄉情途旅
淹時月羈窮獨弟兄剛腸雙古劍蕩跡一流萍道路人
皆厭風波我亦驚胡為甘險阻所得喜豪英俗眼無相
笑吾非逐利名

昔在橫港西山與張季友儀父游相別各數年

矣今冬邂逅于此相與飲酒道故舊甚樂因
各為詩以見所懷

久別西山夜每懷橫水春珪璋元自合手足更相親頗
笑曾參魯元知管仲貧酒行修水石詩就寫松筠薄宦
分南北浮生共屈伸往來俱日月出入見參辰驛騎歸
何晚郵書寄稍頻離羣初會面話別故傷神束縛隨時
世低徊喪本真點衣塵土舊侵鬢雪霜新蝴蝶南華夢
芭蕉居士身幾時江海去相看老垂綸

送葉憲

棠棣榮何盛，皇華節更尊。
雨深鴻雁澤，春滿脊令原。
載錫康侯馬，重吹伯氏璫。
從來公愷悌，獄訟看平反。

老大愁相別，紛紛鬢欲斑。
雨封明月峽，水礙白鹽山。
迢遞看持節，逡巡聽賜環。
西江如箭急，數寄尺書還。

秋日吟二首呈諸友時在合肥作

綠髮猶年少，衰顏苦病多。
陰寒傷物色，淫雨蠹天和。
盃酒開寥落，靈蓍問轆轤。
頭髻亂欹側，齒音訛苒苒。

時難得紛紛日易蹉荆蒿太狼藉圭角未消磨廢棄今
如此云為竟若何嗟傷仁者遠幸望故人過臘意生幽
徑春心漾綠波幾時樽俎共爛醉聽清歌

二

露下風高頭鬢凋愆陽不雨肺肝焦短窗竟日添憔悴
座榻無人問寂寥點綴詩篇空夜夜封題藥裏自朝朝
重雲冉冉蓬瀛隔步武相忘萬里遙

在合肥幕中有作

幕府開雄盛，朋游望俊髦。
雙松鬬冰雪，一鷄出蓬蒿。
春雨吟花蒂，秋霜擘蟹螯。
山川留翰墨，天地入風騷。
感慨驚多變，微生病一號。
酒卮餘寂淡，詩筆惠英豪。
憂思生心腑，塵埃上鬢毛。
簿書今日困，道路此身勞。
細雨開濡滯，清飈散鬱陶。
小亭山可見，由此欲登高。

上合肥太守侍讀傅公

肥水當時守，商巖幾代孫。
精明應玄象，清白接靈源。
山岳分凝重，球琳讓粹溫。
一書開主惑，羣力破姦魂。
萬事

非吾計孤忠自所存遺聲雙禁闥寵錫兩朱轡道路生
新樂江湖洗舊民澤餘占草木孚至及魚豚不肖塵華
幕無材愧素餐誤懸徐孺榻喜上李膺門簿領才傷拙
塵埃貌苦村初終承至訓老稚飲殊恩遂恐徵書至還
歸近侍尊蛟龍不潛隱鵬鷃自飛翻會亦懲衰弊應須
正本原紀綱維盡力孤鼠可忘言鼎鼎開先烈鹽梅及
後昆祇知心繾綣不覺語直繁

鄱陽集卷九